

Cuntas Leithreasa 2021

Vóta 2

Roinn an Taoisigh

Réamhrá

Mar Oifigeach Cuntasaíochta do Vóta 2, ceanglaítear orm an cuntas leithreasa don Vóta a ullmhú gach bliain agus an cuntas a chur faoi bhráid an Ard-Reachtaire Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2021 i gcomhair thuarastail agus speansais Roinn an Taoisigh, i gcomhair seirbhísí áirithe arna riar ag an Roinn agus i gcomhair deontais áirithe a íoc.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain.

Dlítear farasbarr €12.157 milliún a ghéilleadh don Státchiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Ráiteas faoi Pholasaithe agus faoi Phrionsabail Chuntasaíochta

Cuireadh na beartais agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gCiorcláin 1 agus 9 de 2022, chun feidhme agus an cuntas á ullmhú.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, aithním an fhreagracht atá orm as a chinntiú go ndéanann an Roinn córas éifeachtach rialaithe inmheánaigh airgeadais a chothabháil agus a fheidhmiú.

Déantar an fhreagracht seo a chleachtadh i gcomhthéacs na n-acmhainní a bhíonn ar fáil dom agus i gcomhthéacs mo chuid oibleagáidí eile mar Ard-Rúnaí. Ina theannta sin, ní féidir le haon chóras rialaithe inmheánaigh airgeadais ach dearbhú réasúnach seachas dearbhú iomlán a thabhairt go gcosnaítear sócmhainní, go n-údaráítear agus go dtaifeadtar idirbhearta go cuí, agus go ndéantar earráidí nó neamhrialtachtaí ábhartha a chosc nó go mbraithfí in am trátha iad. Is próiseas leanúnach é an córas rialuithe inmheánacha airgeadais a chothabháil agus coinnítear an córas agus a éifeachtacht faoi athbhreithniú leanúnach.

Seirbhísí comhroinnte

Is é an tIonad Seirbhísí Comhroinnte Airgeadais i gCill Airne, atá ina chuid den Roinn Dlí agus Cirt agus Comhionannais, a phróiseálann idirbhearta airgeadais ar bhonn seirbhísí comhroinnte. Tá mo chuid freagrachtaí comhlíonta agam i dtaca le ceanglais an chomhaontaithe bainistíochta seirbhíse idir Roinn an Taoisigh agus na Seirbhísí Comhroinnte Airgeadais chun an tseirbhís chomhroinnte seo a sholáthar.

Tá mo chuid freagrachtaí comhlíonta agam maidir le ceanglais an chomhaontaithe bainistíochta seirbhíse idir Roinn an Taoisigh agus an Oifig Náisiúnta um Sheirbhísí Comhroinnte i ndáil le seirbhísí comhroinnte acmhainní daonna agus párolla a sholáthar.

Bím ag brath ar litreacha dearbhaithe ó na hOifigigh Chuntasaíochta don Oifig Náisiúnta um Sheirbhísí Comhroinnte agus don Ionad Seirbhísí Comhroinnte Airgeadais, Cill Airne, á rá go bhfeidhmítear na rialuithe cuí i ndáil le seirbhísí comhroinnte a sholáthar do Roinn an Taoisigh.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm a bhfuil na nithe seo a leanas ina gcuid di.

- Sannadh freagrachtaí airgeadais ag leibhéal bainistíochta le cuntasacht chomhfhreagrach.
- Bunaíodh socrúithe tuairiscithe ag gach leibhéal ag ar sannadh freagracht as bainistíocht airgeadais.
- Bunaíodh nósanna imeachta foirmiúla chun teipeanna suntasacha rialaithe a thuairisciú agus chun gníomh ceartaitheach cuí a chinntiú.
- Tá Coiste Iniúcháireachta ann chun comhairle a chur orm maidir le comhlíonadh mo chuid freagrachtaí i ndáil leis an gcóras rialaithe inmheánaigh airgeadais.
- Doiciméadaíodh nósanna imeachta i gcomhair na bpríomhphróiseas gnó go léir.
- Tá córais i bhfeidhm chun na sócmhainní a chosaint.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta bainistíochta i bhfeidhm, lena n-áirítear leithscaradh dualgas agus córas tarmlígin agus cuntasachta agus, go háirithe, gurb ann dóibh seo a leanas:

- córas buiséadaithe cuí le buiséad bliantúil a bhíonn faoi athbhreithniú ag an lucht ardbhainistíochta
- athbhreithnithe rialta ag an lucht ardbhainistíochta ar thuarascálacha airgeadais tréimhsiúla agus bliantúla ina léirítear feidhmíocht airgeadais i gcomparáid le feidhmíocht thuartha
- córas bainistíochta rioscaí taobh istigh den Roinn
- córais atá dírithe ar shlándáil na gcóras TFC a chinntiú
- treoirlínte cuí rialaithe infheistíochta caipitil chomh maith le disciplíní foirmiúla bainistíochta tionscadal.

Iniúcháireacht inmheánach agus an Coiste Iniúcháireachta

Deimhním go bhfuil feidhm iniúcháireachta inmheánaí ag an Roinn le pearsanra atá oilte go cuí, ar feidhm í a oibríonn de réir cairt scríofa atá ceadaithe agam. Treoraíonn anailís ar na rioscaí airgeadais ar a bhfuil an Roinn neamhchosanta a hobair agus bíonn a pleananna bliantúla iniúcháireachta inmheánaí, a bhíonn á gceadú agamsa, bunaithe ar an anailís sin. Féachtar leis an bplean seo na príomhrialuithe a chlúdach ar bhonn rollach thar thréimhse réasúnach. I gcomhar leis an gCoiste Iniúcháireachta, déanaim athbhreithniú tréimhsiúil ar an bhfeidhm iniúcháireachta inmheánaí. Tá nósanna imeachta curtha i bhfeidhm agam lena chinntiú go ndéantar gníomh leantach i leith thuarascálacha na feidhme iniúcháireachta inmheánaí.

Comhlíonadh soláthair

Deimhním go gcinntíonn an Roinn go bhfuil béim chuí ann ar dhea-chleachtas maidir le ceannach agus go bhfuil nósanna imeachta i bhfeidhm lena chinntiú go gcomhlíontar na treoirínte ábhartha uile.

Tá sonraí tugtha ag an Roinn ar thrí chonradh neamhiomaíochta sa tuairisceán bliantúil maidir le ciorclán 40/2002 don Ard-Reachtair Cuntas agus Ciste agus don Roinn Caiteachais Phoiblí agus Athchóirithe.

Creat riosca agus rialaithe

Tá córas bainistíochta riosca curtha chun feidhme ag an Roinn lena sainiúitear agus lena dtuairiscítear príomhrioscaí agus na gníomhartha bainistíochta a dhéantar chun aghaidh a thabhairt ar na rioscaí sin agus chun iad a mhaolú, a mhéid is féidir.

Tá clár rioscaí i bhfeidhm ina sainiúitear na príomhrioscaí atá le sárú ag an Roinn agus rinneadh iad sin a shainiú, a mheasúnú agus a ghrádú de réir tábhachta. Déantar an clár a athbhreithniú agus a thabhairt cothrom le dáta go rialta i gcomhar le lucht ardbhainistíochta na Roinne. Baintear leas as torthaí na measúnuithe sin chun acmhainní a phleanáil agus a leithdháileadh chun a chinntiú go ndéantar rioscaí a bhainistiú de réir leibhéal inghlactha.

Mionsonraítear sa chlár rioscaí na rialuithe agus na gníomhartha is gá chun rioscaí a mhaolú agus an fhreagracht as rialuithe a oibriú atá sannta d'aonaid ghnó shonracha.

Mír bhuan ar chlár oibre Choiste Iniúchóireachta na Roinne is ea bainistíocht riosca freisin.

Tá an próiseas bliantúil um Measúnú Náisiúnta Riosca, atá faoi mhaoirsiú Roinn an Taoisigh, ar bun freisin agus tugtar deis lena linn sainiú agus plé a dhéanamh ar rioscaí straitéiseacha atá os comhair na hÉireann sa ghearrthéarma, sa mheántéarma agus san fhadtéarma. Ba i mí na Nollag 2021 a foilsíodh an Measúnú Náisiúnta Riosca 2021/2022 agus leagtar amach ann na rioscaí is suntasaí geopholaitíochta, geilleagracha, sóisialta, comhshaoil agus teicneolaíochta atá i ndán don tír. Tagraítear ann freisin do thuairimí idirnáisiúnta atá ag teacht chun cinn maidir le ceachtanna do rialachas riosca ón eispéireas ar Covid-19, agus béim ar leith á cur ar leibhéal an Aontais Eorpaigh ar theacht aniar a fheabhsú.

Monatóireacht agus athbhreithniú leanúnach

Bunaíodh nósanna imeachta foirmiúla le haghaidh monatóireacht a dhéanamh ar phróisis rialaithe agus cuirtear easnaimh rialaithe in iúl go tráthúil dóibh siúd a bhíonn freagrach as gníomh ceartaitheach a dhéanamh agus don lucht ardbhainistíochta agus don Choiste Comhairleach Bainistíochta, i gcás gurb ábhartha. Deimhním gur sainiúitear príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar fheidhmiú na bpríomhrialuithe sin agus chun aon easnaimh shainaitheanta a thuairisciú.

Athbhreithniú ar éifeachtacht

Deimhním go bhfuil nósanna imeachta i bhfeidhm ag an Roinn chun monatóireacht a dhéanamh ar éifeachtacht a nósanna imeachta um bainistíocht riosca agus rialú. Bíonn monatóireacht agus athbhreithniú na Roinne ar éifeachtacht an chórais rialaithe inmheánaigh airgeadais á dtreorú ag obair na n-iniúcháirí inmheánacha agus seachtracha agus an lucht ardbhainistíochta laistigh den Roinn a bhíonn freagrach as an gcreat rialaithe inmheánaigh airgeadais a fhorbairt agus a chothabháil.

Saincheisteanna maidir le rialú inmheánach airgeadais

Níor sainaithníodh aon laigí i rialú inmheánach airgeadais maidir leis an mbliain 2021 ar gá iad a nochtadh sa chuntas leithreasa.

Saincheisteanna rialaithe maidir le Covid-19

Tugadh faoi mheasúnú maidir le tionchar Covid-19 ar an timpeallacht rialaithe agus níor tugadh aon athruithe ar bith ar an bpróiseas rialaithe faoi deara. Deimhním go bhfuil na rialuithe a bhí ann cheana éifeachtach fós.

Martin Fraser

Oifigeach Cuntasaíochta
Roinn an Taoisigh

30 Márta 2022

An tArd-Reachtair Cuntas agus Ciste

Tuarascáil le cur faoi bhráid Tithe an Oireachtais

Vóta 2 Roinn an Taoisigh

Tuairim faoin gcuntas leithreasa

Tá iniúchadh déanta agam ar an gcuntas leithreasa do Vóta 2 Roinn an Taoisigh don bhliain dar chríoch 31 Nollaig 2021 faoi Alt 3 d'Acht an Ard-Reachtair Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáiltais agus an caiteachas a bhain le Vóta 2 Roinn an Taoisigh don bhliain dar chríoch 31 Nollaig 2021, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam le Roinn an Taoisigh agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuarascáil ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas ar rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscim orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtair Cuntas agus Ciste

28 Meitheamh 2022

Aguisín leis an tuarascáil

Freagrachtaí an Oifigeach Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíríteas ábhartha, bíodh calaois nó earráid mar chúis leis.

Freagrachtaí an Ard-Reachtair Cuntas agus Ciste

Ceanglaítear orm faoi alt 3 den Acht um Ard-Reachtair Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáiltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíríteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíoch a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinním sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainiúint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúchóireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainaithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúchóireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fíoras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtair Cuntas agus Ciste (Leasú), 1993, tuairisciú i gcás go sainiúint aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidilí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 2 Roinn an Taoisigh

Cuntas Leithreasa 2021

	2021	2020
	Soláthar meastacháin	Toradh
	€000	€000
Caiteachas an chláir		
A Tacú le hobair an Taoisigh agus an Rialtais	51,094	42,808
Ollchaiteachas	51,094	42,808
<i>Lúide</i>		
B Leithreasaí-i-gcabhair	917	626
Glanchaiteachas	50,177	42,182

Farasbarr

Dlífear farasbarr na suime a soláthraíodh, os cionn na glansuime a caitheadh, a ghéilleadh don Stáitchiste

	2021	2020
	€	€
Farasbarr le géilleadh	12,156,604	11,831,030

Martin Fraser
Oifigeach Cuntasaíochta
Roinn an Taoisigh

30 Márta 2022

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

	<u>2021</u>	<u>2020</u>
	€000	€000
Costas an chláir	18,177	23,860
Pá	17,218	15,667
Neamhphá	3,324	3,281
Ollchaiteachas	38,719	42,808
<i>Lúide</i>		
Leithreasaí-i-gcabhair	699	626
Glanchaiteachas	38,020	42,182
Athruithe ar shócmhainní caipitil		
Ceannacháin airgid thirim	(21)	
Dímheas	294	171
Athruithe ar ghlansócmhainní reatha		
Laghdú ar fhabhruithe deiridh	(1,361)	
Méadú ar stoc	(11)	1,158
Caiteachas díreach	36,921	43,511
Caiteachas a iompraíodh in áit eile		
Glanchaiteachas ar sheirbhísí gaolmhara (nóta 1.1)	5,184	4,917
Measchíosanna	1,517	1,517
Glanhostas an chláir	43,622	49,945

1.1 Glanchaiteachas ar sheirbhísí gaolmhara

Tá suim an ghlanchaiteachais ar sheirbhísí gaolmhara comhdhéanta de na suimeanna seo a leanas i ndáil le Vóta 2 a iompraíodh in áit eile, glan ar chostais na seirbhísí comhroinnte a cuireadh ar fáil do Vótaí eile.

		2021	2020
		€000	€000
Vóta 9	Oifig na gCoimisinéirí Ioncaim	20	8
Vóta 12	Aoisliúntas agus Liúntais Scoir	3,767	3,490
Vóta 13	Oifig na nOibreacha Poiblí	572	638
Vóta 18	An Oifig Náisiúnta um Sheirbhísí Comhroinnte	25	25
Vóta 20	An Garda Síochána	168	205
Vóta 24	Dlí agus Ceart	58	55
Vóta 36	Cosaint	88	85
Vóta 43	Oifig Phríomh-Oifigeach Faisnéise an Rialtais	36	—
An Príomh-Chiste: Pinsin an Taoisigh agus na nAirí		450	411
		5,184	4,917

Nóta 2 Ráiteas faoin Staid Airgeadais amhail an 31 Nollaig 2021

	Nóta	2021	2020
		€000	€000
Sócmhainní caipitil	2.1	766	1,039
Sócmhainní reatha			
Banc agus airgead tirim	2.2	262	400
Stoic	2.3	83	72
Réamhíocaíochtaí	2.4	440	365
Iarmhéideanna dochair eile	2.5	96	335
Glanmhaoiniú Státchiste	2.8	401	—
Iomlán na sócmhainní reatha		1,282	1,172
Lúide dliteanais reatha			
Speansais fhabhraithe	2.6	1,293	2,580
Iarmhéideanna sochair eile	2.7	759	675
Glanmhaoiniú Státchiste	2.8	—	59
Iomlán na ndlíteanas reatha		2,052	3,314
Glandlíteanais reatha		(770)	(2,142)
Glandlíteanais		(4)	(1,103)
Arna léiriú ag:			
Cuntas maoinithe Stáit	2.9	(4)	(1,103)

2.1 Sócmhainní caipitil

	Troscán agus feistis €000	Trealamh oifige €000	Sócmhainní atá á bhforbairt €000	Iomlán €000
Ollsócmhainní				
Costas nó luacháil ag an 1 Eanáir 2021	662	1,385	488	2,535
Breiseanna	—	21	—	21
Tugtha in úsáid	—	488	(488)	—
Díúscairtí	—	(8)	—	(8)
Costas nó luacháil ag an 31 Nollaig 2021	662	1,886	—	2,548
Dímheas carntha				
Iarmhéid tosaigh ag an 1 Eanáir 2021	553	943	—	1,496
Dímheas don bhliain	18	276	—	294
Dímheas ar dhíúscairtí	—	(8)	—	(8)
Dímheas carnach ag an 31 Nollaig 2021	571	1,211	—	1,782
Glansócmhainní ag an 31 Nollaig 2021	91	675	—	766
Glansócmhainní ag an 31 Nollaig 2020	109	442	488	1,039

2.2. Banc agus airgead tirim

ag an 31 Nollaig	2021 €000	2020 €000
Iarmhéideanna ag an bPámháistir Ginearálta agus airgead tirim	262	399
Iarmhéid cuntais bainc eile	—	1
	262	400

2.3 Stoic

ag an 31 Nollaig	2021	2020
	€000	€000
Bronntanais oifigiúla	20	20
Stáiseanóireacht	51	40
Foilseacháin	1	1
Ábhar inchaite	11	11
	83	72

2.4 Réamhíocaíochtaí

ag an 31 Nollaig	2021	2020
	€000	€000
Réamhíocaíochtaí TFC	393	351
Réamhíocaíochtaí an chláir	27	8
Réamhíocaíochtaí eile riaracháin	20	6
	440	365

2.5 Iarmhéideanna dochair eile

ag an 31 Nollaig	2021	2020
	€000	€000
Tuarastail in-fhorchúitithe	—	5
Caiteachas in-fhorchúitithe ar an bpas taistil	35	2
Míreanna dochair eile ar fionraí	61	328
	96	335

2.6 Costais fhabhraithe

ag an 31 Nollaig	2021	2020
	€000	€000
Fabhruithe cumarsáide poiblí maidir le Covid-19	976	2,391
Fabhruithe clár eile	163	111
Fabhruithe riaracháin	154	78
	1,293	2,580

2.7 Iarmhéideanna sochair eile

ag an 31 Nollaig	2021	2020
	€000	€000
Suimeanna atá dlite don Stát		
Cáin ioncaim	344	303
Árachas sóisialach pá- choibhneasa	141	134
Cáin shiarchoinneálach ar sheirbhísí gairmiúla	33	86
Cáin bhreisluacha	20	26
	<u>538</u>	<u>549</u>
Asbhaintí párolla á gcoinneáil ar fionraí	164	126
Míreanna sochair eile ar fionraí	57	—
	<u>759</u>	<u>675</u>

2.8 Glanmhaoiniú Státciste

ag an 31 Nollaig	2021	2020
	€000	€000
Farasbarr le géilleadh	12,157	11,831
Deontas ón Státciste nár tarraingíodh	(12,558)	(11,772)
Glanmhaoiniú Státciste atá	<u>(401)</u>	<u>59</u>
Arna léiriú ag:		
Féichiúnaithe		
Banc agus airgead tirim	262	399
Iarmhéideanna dochair: fionraí	96	335
	<u>358</u>	<u>734</u>
Creidiúnaithe		
Dlíte don Stát	(538)	(549)
Iarmhéideanna sochair: fionraí	(221)	(126)
	<u>(759)</u>	<u>(675)</u>
	<u>(401)</u>	<u>59</u>

2.9 Cuntas maoinithe Stáit

	Nóta	2021		2020
		€000	€000	€000
Iarmhéid ag 1 Eanáir			(1,103)	225
Eisíocaíochtaí ón Vóta				
Soláthar meastacháin	Cuntas	50,177		
Farasbarr le géilleadh	Cuntas	(12,157)		
Glanvóta			38,020	42,182
Caiteachas (airgead tirim) a iompraíodh in áit eile	1		5,184	4,917
Míreanna neamhairgid - coigeartú			–	1
Caiteachas nach airgead tirim é – measchíos	1		1,517	1,517
Glanchostas an chláir	1		(43,622)	(49,945)
Iarmhéid ag 31 Nollaig			(4)	(1,103)

2.10 Ceangaltais

Ceangaltais dhomhanda	2021	2020
ag an 31 Nollaig	€000	€000
Soláthar earraí agus seirbhísí	163	171

2.11 Dlíteanais Theagmhasacha

Tá an dá chás Ard-Chúirte a bhaineann le rochtain ar fhaisnéis maidir leis na hiarrataí comhshaoil a luadh mar dhlíteanais theagmhasacha i gcuntas leithreasa na bliana 2020 ag dul ar aghaidh fós, agus d'fhéadfadh costais a bheith ann mar thoradh orthu sin.

Rinne an Ghníomhaireacht um Éilimh ar an Stát costais €248,080 a shocrú i mí na Nollag 2021 i gcás na hArd-Chúirte a bhain le forálacha bunreachtúla lena rialaítear cruinnithe an tSeanaid, rud a luadh mar dhlíteanas teagmhasach i gcuntas leithreasa na bliana 2020. Níor iarr an Roinn go fóill go n-aisíocfaí na costais sin.

Nóta 3 Caiteachas an Vóta

Anailís ar chaiteachas riaracháin

Cuireadh an caiteachas riaracháin atá leagtha amach thíos ar áireamh i gClár A chun costais iomlána an chláir a chur i láthair.

	2021		2020
	Soláthar meastacháin	Toradh	Toradh
	€000	€000	€000
i Tuarastail, pá agus liúntais	18,107	17,218	15,667
ii Taisteal agus cothú	730	184	216
iii Oiliúint agus forbairt agus speansais theagmhasacha	2,826	1,389	1,074
iv Seirbhísí poist agus teileachumarsáide	360	217	290
v Trealamh oifige agus seirbhísí TF seachtracha	1,060	1,123	1,060
vi Costais áitribh oifige	376	411	641
vii Seirbhísí comhairleoireachta agus seirbhísí eile	18	—	—
	23,477	20,542	18,948

Difríochtaí suntasacha

Déantar anailís sa nóta seo a leanas ar chaiteachas riaracháin an Vóta agus leagtar amach ann na cúiseanna le difríochtaí suntasacha (+/- 25% agus €100,000).

ii Taisteal agus cothú

Soláthar meastacháin €730,000; toradh €184,000

Is mar gheall ar laghdú suntasach ar thaisteal de dheasca Covid-19 a tháinig laghdú €546,000 ar chaiteachas taistil agus cothaithe. Fritháiríodh coigiltí faoin bhfo-mhírcheann seo in aghaidh caiteachas méadaithe a tabhaíodh faoi fho-mhírcheann v. Trealamh oifige agus seirbhísí TF seachtracha agus faoi fho-mhírcheann vi. Costais áitribh oifige.

iii Oiliúint agus forbairt agus speansais theagmhasacha

Soláthar meastacháin €2.826 milliún; toradh €1.389 milliún

Bhí baint ag an laghdú €1.437 milliún ar chaiteachas ar oiliúint agus forbairt agus costais theagmhasacha leis an tionchar a bhí ag paidéim Covid-19 agus, mar gheall air sin, bhí caiteachas níos ísle ná mar a bhí tuartha ar fud raon réimsí, lena n-áirítear imeachtaí Stáit; oiliúint agus forbairt foirne; agus an tairseach gov.ie.

iv Seirbhísí poist agus teileachumarsáide

Soláthar meastacháin €360,000; toradh €217,000

Tharla an laghdú €143,000 ar chaiteachas ar sheirbhísí poist agus teileachumarsáide mar gheall ar chostais phoist a bheith níos ísle ná mar a bhíothas ag súil leo agus éifeachtúlachtaí níos fearr a bhaint amach sa teileachumarsáid.

Clár A Tacú le hobair an Taoisigh agus an Rialtais

		2021		2020
		Soláthar meastacháin	Toradh	Toradh
		€000	€000	€000
A.1	Riarachán – pá	18,107	17,218	15,667
A.2	Riarachán – neamhphá	5,370	3,324	3,281
A.3	An Chomhairle Náisiúnta Eacnamaíoch agus Sóisialach	2,113	1,973	1,761
A.4	Binsí Fiosrúcháin	4,209	793	1,422
A.5	Coimisiún Imscrúdúcháin	4,430	2,690	3,044
A.6	Tionól Saoránach	1,865	594	732
A.7	Cumarsáid phoiblí maidir le Covid-19	15,000	12,127	16,901
		51,094	38,719	25,188

Difríochtaí suntasacha

Leagtar amach sna míreanna seo a leanas na cúiseanna a raibh difríochtaí suntasacha i gceist i gcaiteachas cláir (+/- 5% agus €100,000). Tríd is tríd, bhí an caiteachas i ndáil le Clár A €12.375 milliún níos ísle ná mar a soláthraíodh (ar dtús.) Bhain €2.935 milliún den tsuim sin le caiteachas riaracháin a bhfuil difríochtaí suntasacha ina leith mínithe cheana féin. Is mar gheall ar na nithe seo den chuid is mó a tharla athrú ar an iarmhéid €9.440 milliún:

A.3 An Chomhairle Náisiúnta Eacnamaíoch agus Sóisialach

Soláthar meastacháin €2.113 milliún; toradh €1.973 milliún

Ba mar thoradh ar mhoill a bheith ar phoist foirne a líonadh sa chéad cheithre mhí den bhliain 2021 a bhí an t-easnamh €140,000 i gcaiteachas ann i gcomórtas leis an soláthar meastacháin.

A.4 Binsí Fiosrúcháin

Soláthar meastacháin €4.209 milliún; toradh €793,000

Ba mar thoradh ar an líon éileamh costas dlí a socraíodh sa bhliain 2021 a bheith níos lú ná mar a measadh a bhí easnamh €3.416 milliún i gcaiteachas ann i gcomórtas leis an soláthar meastacháin. Níl aon smacht ag an Roinn ar na costais dlí tríú páirtí a dhámhann Binsí Fiosrúcháin agus tá sé dodhéanta an t-uainiú a thuar i dtaca le socrú na gcostas tríú páirtí a bheidh dlite ag am áirithe ar bith.

A.5 Coimisiúin Imscrúdúcháin

Soláthar meastacháin €4.430 milliún; toradh €2.69 milliún

Tá coimisiúin imscrúdúcháin neamhspleách ar an Roinn agus braitheann a leibhéal chaiteachais ar riachtanais agus ceanglais a bhfiosrúcháin ar an gcéad dul síos. Tharla an tearc-chaitheamh €1.74 milliún i gcomparáid leis an soláthar meastacháin mar thoradh ar an deacracht a bhí ag na Coimisiúin leibhéal agus uainiú a riachtanas caiteachais féin a thuar go cruinn, lena n-áirítear caiteachas a d'eascair as cinntí le costais tríú páirtí a dhámhachtain.

A.6 Tionól Saoránach

Soláthar meastacháin €1.865 milliún; toradh €594,000

Bhí easnamh €1.127 milliún i gcaiteachas sa bhliain 2021 mar gheall nach raibh an Tionól ábalta cruinnithe ar an láthair a reáchtáil de dheasca Covid-19. Chuir an Tionól a chuid oibre i gcrích ar líne sa bhliain 2021, agus cúig chruinniú ar líne aige ó mhí Eanáir go mí Aibreáin. Bhí moill ann freisin ar an gcéad Tionól eile a bhunú mar gheall ar Covid-19.

A.7 Cumarsáid Phoiblí maidir le Covid-19

Soláthar meastacháin €15 mhilliún; toradh €12.127 milliún

Íocadh sonraisc arbh fhiú €976,000 iad i dtús na bliana 2022 i ndáil le roinnt feachtas cumarsáide poiblí maidir le Covid-19 a reáchtáladh i mí na Nollag 2021 agus ba é sin ba chúis leis an easnamh €2.873 milliún i gcaiteachas i gcomórtas leis an soláthar meastacháin. Bhí an leibhéal cumarsáide a bhí de dhíth seachas sin níos ísle ná mar a rinneadh soláthar dó.

Nóta 4 Fáltais

4.1 Leithreasaí-i-gcabhair

	2021		2020
	Measta €000	Réadaithe €000	Réadaithe €000
1 Leithreasaí-i-gcabhair	58	31	20
2 Fáltais ó ranníocaíochtaí aoisliúntais breise ar luach saothair seirbhíse poiblí	859	668	606
Iomlán	917	699	626

Difríochtaí suntasacha

Leagtar amach sa nóta seo a leanas na cúiseanna a raibh difríochtaí suntasacha i gceist i leithreasaí-i-gcabhair (+/- 5% agus €100,000). Ar an iomlán, bhí leithreasaí-i-gcabhair €218,000 níos lú ná an meastachán.

2 Fáltais ó ranníocaíochtaí aoisliúntais breise ar luach saothair seirbhíse poiblí

Soláthar meastacháin €859,000; toradh €668,000

Bhí rómheastachán ar na fáltais a bhí dlite agus an mhoill ar fholúntais a líonadh mar a bhí beartaithe taobh thiar den laghdú €191,000 ar fháltais i gcomparáid leis an meastachán. Mar thoradh air sin, bhí na ranníocaíochtaí aoisliúntais breise níos ísle ná mar a bhíodhas ag súil leis.

4.2 Fáltais bhreise is iníochta leis an Státhchiste

	2021 €000	2020 €000
Iarmhéid ag an 1 Eanáir	55	43
Fáltais ó ghéilleadh deonach tuarastail sealbhóirí oifige	99	55
Suim a aistríodh chuig an Státhchiste	(55)	(43)
Iarmhéid ag an 31 Nollaig	99	55

Nóta 5 Soláthar Foirne agus Luach Saothair

5.1 Líon fostaithe

Coibhéisí lánaimseartha ag deireadh na bliana	2021	2020
Roinn	236	236
Gníomhaireacht - An Oifig Náisiúnta Eacnamaíoch agus Sóisialach	16	14
	252	250

5.2 Pá -Roinn

	2021 €000	2020 €000
Pá	16,041	14,724
Iomarcaíocht agus scaoilíocaíocht	166	322
Liúntais le haghaidh ard-dualgas, dualgais speisialta nó dualgais bhreise	395	295
Ragobair	308	283
ÁSPC an fhostóra	1,294	1,149
Pá iomlán^a	18,204	16,773

Nóta ^a Áirítear pá i ndáil le foireann binsí agus i ndáil le coimisiún imscrúdúcháin ar fhiúir iomlán pá na roinne.

5.3 Pá - Gníomhaireacht

	2021 €000	2020 €000
Pá	1,327	1,189
ÁSPC an fhostóra	123	103
Pá iomlán	1,450	1,292

Nóta Tá an fhaisnéis bunaithe ar thuarisceáin a rinne an Oifig Náisiúnta Eacnamaíoch agus Sóisialach.

5.4 Liúntais agus íocaíochtaí ragoibre - Roinn

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde	
			2021	2020
			€	€
Liúntais le haghaidh ard-dualgas, dualgais speisialta nó dualgais bhreise	34	15	51,657	26,066
Ragobair	73	8	21,528	20,678
Luach saothair breise i níos mó ná catagóir amháin	13	10	36,229	30,575

5.5 Socruithe eile maidir le luach saothair

Rinneadh íocaíocht ex-gratia €29,829 (2020: €29,829) i dtaca le sochair scoir chomhaontaithe le hiarfhostaí amháin.

Rinneadh státseirbhíseach amháin a bhí ar scor agus ag fáil pinsean státseirbhíse a athfhostú ar bhonn táille ar chostas iomlán €8,470. Bhí an íocaíocht a rinneadh ag teacht le prionsabail an Achta um Pinsean na Seirbhíse Poiblí (Scéim Aonair agus Forálacha Eile), 2012.

Áirítear sa chuntas seo caiteachas €111,254 i ndáil le hoifigeach amháin a bhí ag fónamh lasmuigh den Roinn ar feadh na bliana 2021 ar fad agus arbh í an Roinn a d'foc a thuarastal leis.

Ní áirítear sa chuntas seo caiteachas i ndáil le beirt oifigeach a bhí ag fónamh lasmuigh den Roinn ar feadh na bliana 2021 ar fad, nó ar feadh cuid di, i ranna/oifigí rialtais eile agus arbh iad na ranna/na hoifigí sin a d'foc a dtuarastal leo.

5.6 Ró-íocaíochtaí párolla

ag an 31 Nollaig	Líon na bhfaighteoirí	2021	2020
		€	€
Ró-íocaíochtaí	5	10,472	6,405
Pleananna aisghabhála i bhfeidhm	2	6,774	3,104

Rinneadh plean aisghabhála ró-íocaíochtaí amháin i ndáil le duine amháin arbh ionann a luach agus €552 a aistriú chuig roinn eile le linn na bliana 2021.

5.7 Scaoilíocaíochtaí/íocaíochtaí iomarcaíochta

Íocadh scaoilíocaíochtaí arbh fhiú €140,829 san iomlán iad le linn na bliana 2021 le beirt bhall foirne ar cuireadh deireadh lena bhfostaíocht. Fuair an bheirt aonair íocaíochtaí iomarcaíochta arbh fhiú €24,720 san iomlán iad.

5.8 Tuarastal an Oifigigh Cuntasaíochta

Amhail an 31 Nollaig 2021, bhí tuarastal an Oifigigh Cuntasaíochta ag grád Ard-Rúnaí Leibhéal I, agus olltuarastal bliantúil €213,859 aige (€211,742 amhail an 31 Nollaig 2020).

Nóta 6 Ilghnéitheach

6.1 Coistí, coimisiúin nó fiosrúcháin speisialta

Coimisiún cuspóra shocraithe	Bliain an cheaptha	Caiteachas carnach go dtí deireadh na bliana 2021 €000	2021 €000	2020 €000
Binse Fiosrúcháin (íocaíochtaí leis an Uas. Haughey agus leis an Uas. Lowry) ^a	1997	66,439	793	1,422
Coimisiún Imscrúdúcháin (Coimisiún Cregan) ^b	2015	11,036	1,801	2,190
Coimisiún Imscrúdúcháin (Coimisiún Cooke) ^c	2017	3,910	889	855
			3,483	4,467

Nótaí ^a Beidh tuilleadh íocaíochtaí i gceist leis an mBinse Fiosrúcháin (íocaíochtaí leis an Uas. Haughey agus leis an Uas. Lowry). Ní féidir costais deiridh a chinneadh ag an am seo.

^b Baineann an Coimisiún Imscrúdúcháin (Cregan) le hidirbhearta áirithe a rinne Corparáid na hÉireann um Réiteach Banc.

^c Baineann an Coimisiún Imscrúdúcháin (Cooke) le díol phunann Thionscadal *Eagle* ag an nGníomhaireacht Náisiúnta um Bainistíocht Sócmhainní.

6.2 Bronntanais oifigiúla

Áirítear sa chuntas an tsuim €20,457 a úsáideadh chun bronntanais a cheannach lena dtabhairt ag an Taoiseach agus Airí Stáit nó thar a gceann in 2021 (2020: €13,079).

6.3 Nithe a díscríobhadh

Ní dhearnadh aon suim a dhíscríobh le linn na bliana (2020: €40,000).

Aguisín A Cuntais comhlachtaí agus cistí atá faoi choimirce Roinn an Taoisigh

Liostaítear sa tábla seo a leanas na comhlachtaí atá faoi choimirce na Roinne agus ar ina leith atá oibleagáid ar an Roinn ráitis airgeadais a chur i láthair. Léirítear ann, mar a bhí ag deireadh mhí an Mhárta 2022, an tréimhse lena mbaineann na ráitis airgeadais iniúchta deiridh agus an dáta ar ar cuireadh faoi bhráid an Oireachtais iad.

Comhlacht	An tréimhse chuntasa íochta dheiridh	Dáta na tuarascála iniúchóireachta	Dáta a fuair an Roinn í	Dáta a cuireadh faoi bhráid an Oireachtais í
An Oifig Náisiúnta Eacnamaíoch agus Sóisialach	2020	2 Nollaig 2021	22 Nollaig 2021	4 Feabhra 2022